


# Francestg d'Assisi († 1226)

«Per nossa sora, la mamma terra»

DA GUIU SOBIELA-CAANITZ

■ **Dals 30 da november als 11 da december 2015 sa rimnan a Paris ils commembers da la Cunvegna da basa da l'ONU davart la midada da clima (UNFCCC, Bonn, Germania) per lur 21avla dieta (www.cop21.gouv.fr) presidiada dal minister da l'exteriur Laurent Fabius. La lingua uffiziala è pia il franzos, in da noss quatter linguatgs nazionals.** I sa tracta d'approvar ina nova cunvegna internaziunala per proteger il clima. I ha già dà ina sentupada preparatorica a Berlin ils 18 e 19 da matg; là ha chanceliera Angela Merkel relevà ch'ins stoppia sustegnair ils pajais en svilup, e president Joachim Gauck ha intunà la responsabladad dals pajais ils pli ritgs.



«Laudato si'» è il refrain da la «Chanzun dal sulai» («Canticum fratris solis») dal mistic sontg Francestg d'Assisi, ina da las poesias las pli renumadas da la litteratura medievala taliana.

spè in figl da l'Umbria, scriva: «En il 18avel tschientaner, cur ch'il cult da la raschun sa derasava lunsch en Europa, èn Francestg e ses muntgs vegnids sinonims d'ignoranza (...). Ma il teolog reformà Paul Sabatier [1858–1928] ha liberà la personalitad da Francestg da l'apparientia da bigottaria e da la smaladicziun da l'illuminessem (...). Il sentiment religius da Sabatier era plain enclèt e simpatia; el ha puspè vivifitgà il maletg da Francestg. Quest ha lura surpassà ils cunfins dals franciscans e da la baselgia catolica; el è vegnì a far part dal mund spiertal (...). Nus renconuschain oz che sia renunzia muntava libertad, sia ignoranza sabientscha, sia paupradad ritgezza» (1).

## Papas talians cunter dinastia imperiala

Il 1993 ha Helmut Feld, da Dillingen (Saarland), lezza giada docent da teologia istorica a l'Universitad dal Saarland, publictà ina voluminosa biografia da Francestg d'Assisi. La segunda ediziun è cumparada il 2007; en l'introducziun ha

a bucca la regla [monastica] e la moda da viver da Francestg (...). Sut papa Gregori IX († 1241, Ugolino da Segni) ha il cumbat tranter 'imperium' e 'sacerdotium' cuntanschì in emprim punct culminant; (...) uschia ha entschavì la ruina da la dinastia dals Staufer» (pp. 67–68). Fadri II è stà lur davos imperatur.

## «Guerras sontgas» da la baselgia

«Il patratg da cruschada ha marcà l'ambient ed il temp da Francestg d'Assisi. El ha fatg tras directamain la tschintgavla cruschada (1217–1221) (...). Tut ils stadis cristians da l'Europa han fatg part (...) da lezza imposanta interpresa en Egipta, manada dapi 1218 da l'ambassador dal papa, in Spagnol fanatic (...). Las 'guerras sontgas' da las cristianadads dal vest e da l'ost cunter ils muslims sa resultavan d'ina pregia da papa Urban II († 1099, Eudes de Châtillon) ils 27 da november 1095 (...). L'ideolog principal da la guerra motivada da la religiuon era sontg Bernard da Clairvaux († 1153). En ses tractat «De laude novae militiae' ha lez ludà la mort gloriosa en la guerra sontga per ina chausa buna: Il chavalier da Cristus mazzia per incumbensa da Cristus (...). En ina brev 'a tut ils cretaivels' (1147) ha Bernard appellà als cristians d'extirpar tutafatg ils pajauns ubain d'als convertir (...). Las cruschadas eran cunzunt guerras dals papas; (...) lezs remuneravan ils cruschads cun dispensas e privilegis spirituals (...) e sa procuravan las summas enormas che las cruschadas custavan. I profitavan er da questas per engrondir lur dominis. Già en il 12avel tschientaner èsi vegnì usità da schlargiar il vut d'ir a la cruschada a la guerra cunter ils muslims da la Peninsla iberica, lura schizunt als cumbats cunter Sorbs ed Estons (...). Era las guerras cunter ils Grecs [cristians ortodoxs] sunter 1204, cunter ils catars en il Languedoc [occitan] sunter 1209 e cunter l'imperatur Fadri II e ses figls [scommunitgads] (1240–1269) valevan sco cru-

schadas (...). Ma la critica la pli radicala cunter las guerras promovidas dals papas e da la baselgia sa chattava segir aifer il patratg da nunviolenza e da pasch pregià dals franciscans. Lur moviment revoluziunar pacifistic sa nudava cunter il current ideologic e politic da la 'guerra sontga' pratigada da Roma» (pp. 70–72). Perquai è il franciscan sontg Celestin V († 1296, Pietro del Morrone) sa retratg il 1294 trais mais sunter sia elecziun sco papa. Feld punctuescha: «Papa [Innocenzo III], allia cun il retg franzos, ha fatg ina campagna militar d'extirpaziun ['Vernichtungsfeldzug'] cunter ils eretics da Languedoc (...). Lez grond genocid ['dieser große Völkermord'] ha anc durà fin sunter la mort da Francestg» (p. 94).

Dapi lura tanscha l'intschess da la Frantscha enfin a las Pireneas centralas: «Il contadi da Toulouse è vegnì 1271 sut il domini direct da la curuna franzosa» (3). Feld concluda faschend endament «franciscans en il senn il pli vast e tuttina autentic (...). Il respect per natira e vita e la lavur per vita duranta a favur d'umans paupers e mal-sauns, sco era ses engaschi per la pasch, han fatg dal protestant alsazian Albert Schweitzer [1875–1965] in autentic franciscan» (p. 504). Il «Saarländer» Feld n'emblida betg da menziunar che Schweitzer era «ein elsässischer Protestant» – dus abitants da cunfins linguistics e confessiunals. La famigliarità cun pliras culturas gida a respectar il pluralissem.

1. Giuseppe Prezzolini, *L'Italia finisce ecco quel che resta. Segunda ediziun. Firenze (Vallecchi) 1958, pp. 42–43. Ins n'astga betg scumbigliar reverenda Paul Sabatier cun il chemist Paul Sabatier che ha dà ses num a l'Universitad da Toulouse.*

2. Helmut Feld, *Franziskus von Assisi. Terza ediziun schlargiada e cun bibliografia actualisada. Darmstadt (Wissenschaftliche Buchgesellschaft, ISBN 978-5-554-26413-1) 2014.*

3. Robert Lafont, *Sur la France. Paris (Gallimard) 1968, p. 104. V. Emmanuel Le Roy Ladurie, Histoire de France des régions. Paris (segunda ediziun, ISBN 2-02-78850-0) 2005, p. 293.*